

Mamana Lois



MUTI WA ELIM

LAUSANNE

IMPRIMERIE GEORGES BRIDEL & Cie

MAMANA LOÏS

A ku bana ba Šikwembu
ba Tikereke ta Baronga ni ba Tikereke-
Kulobyе ta matiko ya Bathonga.

Bamakweru !

Hi siku da 4 April 1894, hi tekeliwile muniwana wa Bakristekulori lweye la'ba ku tala ba mu tibiki. Loko Hosi Yesu a mu rorisile ku twalen ka le henhla, hikweru hi tlangelile lešaku a kumile ku wisa kutani ; hikusa šinyonga ša kwe afa ši hi tšhabisile hikweru ! kambe, na kone, siku hi yingeliki lešaku a nga ha li kone, hi dilile, hi ku : « Moše lowukulu, lowunene wu timekile namunhla makari kweru ! Mboni le'ya ku tiya ya Yesu yi hi siyile. »

Loko ndi kumbuka ku talanyana timhaka ta kwe, a hi lešaku ndi dyula ku tlakuša mhunu, šanga hi loko a fanele ku twalisiwa mahlwen ka banwana. Na yene, afa a nga randanga lešaku a nkheniwa hi bhanu, hikusa, afa a tlangela Hosi hi hikwašu

leši a nyikiwiki šone. Kambe ša šonga loko hi di-mušana hi laha a hanyiki ha kone, lešaku na hine, hi ta tiba ku bonga Yesu ni ku hlamala ntamu wa Moya wa Šikwembu, hi laha wu phatimisiki mu-iwana wa ba le kweru. Hi ta bona lešaku, kunene, Šikwembu ši hi bitela ku ketemuken hikwaku ka Bukriste. Na hine ši fanele lešaku hi nduluka mfu-ri hi tika nsila hikwayu, hi famba ku basen, šanga hi Yesu, iwenyi weru, šanga hi Paulus, muaposto-la wa kwe, šanga hi yene, mamana Lois, a nga wa-ntima kulori lweye a nyikiwiki ku tšela ngopfu Muhuluši wa kwe.

Ngopfu kambe, šana hi nga ka hi nga randi ku bekisa timhaka ta la'ba sunguliki ntiro wa Šikwe-mbu tikwen da kweru hi Baronga, ni ku yanaka-nya hi laha Šikwembu ši tšiki masingita kosuhi na hine šana ?

Mamana Lois a tšaliwile le tikwen da Nhlanga-nu, le Tinhonganen, mutin wa Mhalamhala, a nga muhloti lwenkulu wa kone. Lembe da ku belekiwa kwa kwe, loko hi pimisa, kumbe di kone a maka-ri ka 1845 na 1850. Loko afa a kulilenyana, tatana wa kwe a rura, a ta tšama le Khosen ka Mphambi, kulenyana ni tiba da Šwale. Bito da kwe da bu-nhwanyana hi Šintomana. Loko a ha li ntongwana, a loboliwa hi muwana wanuna wa ka Marisana. Kambe hi laha ku sunguliki mubango wa Muzila na Mawewe, loko ba ka Mpfumo ba ya lwa kuiwe na Muzila, ka Nwamba, ba hlula Mawewe hi hwe-ti ya August 1862.

Mubango wolowo wu hangalasa bana ba Mhala-mhala hikwabu. Šintomana, yene, a bekiwa mabo-

kwen ya la'ba mu loboliki, a famba na bu tinhabeni, ba le kari ba landa Mawewe laha a tšumiki kone. Kambe lweye afaka a mu butile a ta fa le Malangotiba, loko Bangoni ba ta hlasela tiko da ba ka Mažwaya. Kutani wanhwanyana lweye a fanela ku tekiwa hi muniwana wanuna wa muti lowu, a nga yene Nwanhlabutane, lweye ba mu tšhuliki bito da yimpi : Mandlakusasa. Afa Šintomana e mhu-nu wa ku rula ngopfu, lweye a nga randikikiki mapongwe ya baniwanyana babasati, kambe a yingela nuna wa kwe ha hombe. Nambe ši li tanu, ha ši tiba lešaku bahedin a ba ši koti ku tlhasa ku mikhuba le'ya ku šonga šanga hi la'ba ku pfumela ; hikusa na yene, mamana Lois a ndi byelile a di-nwana siku lešaku loko afa a li munyamen, afa a nga tšhabi ku beka mutwa ndlelen, lešaku lweye a taka khaluta a ta tlhabiwa ha wone ! Ntiro wa Mo-ya hi wa ku nhingenisa mbilwen tintšalu ta Yesu buthaniwen bya mona wa nala.

Kambe loko ba kolwile hi matlhari ya Bangoni, ba suka Šwatin, ba ta thamisa le Nondwana, nkingen wa Nkomati, laha faka makwabu wa Nhlabutane a kanda kone, le Morakwen. Ba tiyakela muti muhwen wa mihlapfuta, ba sungula ni ku tolobela šihono ša matiko ya lomu, masope ni timholoba ta timpopyi. Kambe, di-nwana siku, ku tlhasa mutin wolowo muniwana wanuna lweye afaka a yambalile minkhantyu, a dyulaka makwabu. Šintomana, a hatla a tiba Šitimšana, nhondwa ya kwe, lweye afaka a tšumile khale le Transvaal hi nkonta ya mafumo. Šitimšana lweye, loko a yakile le Spelonken kuiwe ni bamakwabu, a nduluka, a pfume-

la kone kereken ya Bamoneŕi ba kone ; a suka a ya dyula mašaka ya kwe, lawa ma hangalasiwiki hi matlhari. A butisa ; a butisa ; a ya kuma Šintomana, le Morakwen. A hi ku tšaba ka ku bonana ka bamakwabu la'ba yabaniki khale, ba nga tibi lešaku : šana ha ha li kone hikweru !... Kumbe bañwana ba dlayiwile hi Bangoni !...

Kambe Yosefa (hi done bito da kwe da ku hondloliwa) a tibisa Šintomana mhaka le'yi hlamalisa-ka a ku : « Ku na Šikwembu tilweni ! na mine ndi pfumelile ku šone ; nda ši khongela ; ndi kumile timhaka ta šone le Bveša, ku bafundisa la'ba tamelaka buku ya šone ! » Ku Nwanhlabutane ni nsati wa kwe, a marito lawa afa byi businge ntsena ! ba nga yingeli ntšhumu ! šanga hi loko Šitimšana a hungukile ! Nambe ši li tanu, ba pfumela ku mu nyika iwana wa bu ni muñwanyana wanhonyana lešaku ba ya donda timhaka leto le Bveša. Kunene Yosefa a suka a muka na bu kaya kwa kwe.

Malembe mabiri ma khaluta : a buya le Morakwen, a ku ku mašaka ya kwe : « Buyan, na iwine, mi ta bona šikhongelo. » Ba pfumela ku ya, ba landa bana ! Kambe ni le ndlelen ya ku ya le Spelonken, ba ha hleka hi timhaka ta Šikwembu, a ba nga hlayi lešaku hi ntšhumu ha tone. Ba tlhasa mutin wa Elim. Hi laha kutani ba hluliwiki hi ntamu wa Moya wa Yesu. Nuna wa kone a lora miloro le'mi mu tšhukisaka hi busiku. A bona tibuku tibiŕi letikulu, yinwe ya ntlhohe yi le nhlokwen, yinwanyana, ya libungu, le milengen. Šanga hi loko Yehova a dyula ku mu nhingenisa ku donden. A tlhela a lora buku leyi a yi timbiki bandin

da kwe. A ya balesela tihungunye. Loko a tlhasa, ti nduluka Bangoni ba ka Muzila. Ba ta ku yene ba ku : « Hi nyike buku leyi u yi timbiki. » Yene a yala a ku : « Mi ta yi beka kwini ? N'ta mi dondisa timhaka ta yone. » Kunene Šikwembu ši mu kombisa lešaku : « Tika mikhuba hikwayu ya Bangoni, ya ku dlaya ; u nga ha tameli tlhari loko yi nga li buku ya Šikwembu ntsena. »

A nthakunyana, na yene Šintomana a pfumela : ku nga li hi masingita ngopfu, kambe hi loko a bona tintšalu ta Yesu, a mu hlaula lešaku a ta mu landa hi masiku. Loko ba hondloliwile ba nyikiwa mabito lamantšha : Mandlakusasa a ba Eliašib, na Šintomana a ba Lois.

Loko ba šwile nkamanyana kereken ya le Elin, ba yanakanya ku muka kaya Nondwana. Bakriste baiwana ba ba mamulela ba ku : Ku pfumela kwenu ku ta honeka, leši mi taka ba kule na nhle-ngeletanu, tikwen da munyama. Kambe Muniři Creux a ba pfumelela ku famba a ku : « Mi ta ba timboni ta Hosi ku dondisa la'ba nga siki yingela Rito. » Ba tlhelela le Morakwen li lembe da 1882, ka Nwantlhongwana. Bhanu ba hlalala lešaku ba nga ha yi masopen ni ku bihen hikwaku ka kone šanga hi khale. Babasati babiři ba sungula ku pfumela. Kambe hi wone nkama lowu ba poriki ha wone, ba ya yaka muti le Likatla.

— Hikweru ha wu tiba muti lowu wa Likatla, laha ntiro wa Šikwembu wu sunguliwiki kone. Kambe a makari ka hikwabu laba ba šongisiki muti lowu hi ku tiya ka ku pfumela kwa bu, a nga kone lweye a fanaka na mamana Lois. Kunene Hosi

yi mu nyikile ku yi tirela hi ku šwenga ni ku khinyela lo'ko hlamalisaka, ku tiṭongahaten hikwaku. Hi laha hi nga mu tšhulaka mamana wa kereke, kunene, hikusa hi yene lweye a fambiki, a nga tšhaba ku karala, a ta pfuša la'ba ku tala la'ba yetlelaka munyamen.

Moya wa Šikwembu lowu faka wu ṭhamile ku yene wu mu sasile ngopfu mbilwen ni mikhuben ya kwe, ni loko hi ḍyula ku hlaya laha a pfuniwiki kone moyen wa kwe, hi nga ku : A kumile ntamu ku donḍiseni, ni ku donḍeni, ni ku khongoteleni, ni ku nyikeni, ni ku ranḍen ka malanda ya Yesu, ni ku babyeni.

A hi labisen hi laha a hanyiki ha kone, hi matlelo lawa hikwawu, hi nga ranḍi ku kulisa mhu-nu, kambe ku ba ku twalisa Hosi ya kwe ni ku kombela ntamu wolowo na hine.

Loko ku li ku donḍisa, a sunguli khale. Kunene loko Bamuniri ba le Spelonken ba mu pfumelele ku timukela Nonḍwana ku ba mboni ya Yesu kone, afa ba fanela ku mu dumba. Hikusa, kaṇwe a sungula ku yenda tikwen hikwaḍu ḍa lomu, ka Mabota ni ka Mpfumo ni ka Tembe, a ya huwelela rito ḍa butomi lešaku : pfumelan ku Hosi Yesu. Ba khale ba ha mu yanakanya šinene loko afa a nHINGENA ti-ndlwen ta Mabanyane, le'ti faka ti tele ndeni ka šilungo nkamen wolowo, ba-ntima ba nga sanga na humešwa handle ka šone. Afa a nga tšhabanga ku ya laha Satan a fumaka kone, na timpopyi ti yentšya hi mikhuba ya tone, lešaku a nga pfuna lweye a ḍyulaka ku hundela ku basen ka Yesu. Ni ntshaku, loko Bamuniri ba tlhasile, ba kumile ku

yene mhunu lweye a randaka ku ya hkwaku ku twalisa Hosi ya kwe. Loko bubabyi byi khomile milenge ya kwe, a fanelile ku thama kutani. Di-twana siku, kambe, mufundisi wa Likatla a tshinya bhanu ba kereke lešaku ba tšikile ku ya dondisa masiku lawa ; yene Lois a ta ta ku yene a ku : Ndi yingelile moya, wu ndi pfušaka lipfalu lešaku khale ndi nga yanga ku dondisen ; kambe šošī nenge wu miyelenyana, ndi kombela lešaku ndi ya ka Mahazule. — Ha ! kunene a famba, a tisušume-ta kone, a ya khongotela Bakriste ba kone, a bitana ni Bahedin, ni ku sibela madandane ya miti ya bu. A buya, a karele ngopfu, a hele ntamu, kambe a ta hi dlungulela timhaka letu hi mahlu la'ma thabiki ngopfu.

Šana hine, bana ba Šikwembu, laba hi nga ni milenge le'mi hanyaka, hi tiba ku yanakanya fanelo yeru ya ku kombisa moše wa Evangeli ku la'ba lahlekaka šana ?

Ni tinhlengetanwen, afa a ta, a nga pfumaleki ni kaiwe, loko a nga sibeliwi hi ku tshima ka ku babya. Ha ha mu dimuka hi laha afaka a thamisa ha kone, ndlwen ya khale ya šikhongelo, le'yi ya-kiwiki le Likatla, yi rangeliki tinwanyana hkwatu. [Hikuba yi yakiwile hi lembe da 1888 ; yi wile mpfulen leyikulu, siku da 11 February 1893.] A hi mu bonanga ku yetlela ndlwen ya Hosi, nambe ku loloha, hikuba afa a randa ku yamukela marito ya Šikwembu mbilwen ya kwe, šanga hi mhunu loko a ni tora, a nwa mati ya ku titimeta. Nambe e nkulu, a nga ši koti ku ta šikolwen, afa a dondile ku hlaya, a dingisa ni ku tala. Kambe, tlelo

qiniwana, afa a hlalala lešaku madyaha ni banhwanyana baniwana, ba tiyela ku tala timhaka ta ku biha mapapilen ya bu, kasi ba hona kolanu a ntiro lo'wa ku šonga lowu ba donqisiwiki wone. Ši fanele lešaku bana ba šikolo ba tala ntsena letinene, leti ba nga tšhabangakiki ku kombisa ku bakulu ba bu ! Afa mamana Lois a tiba ku hlaya viki qiniwana ni qiniwana donqo ya nhlengeletanu ya siku qa bunthlanu. Loko hi labisa bukwen ya yone, a hi boni lešaku a hlulekile ku hlaya na siku na qiniwe. Ni nthaku, loko a ta babya, a ha ta donqa ndimanyana ya bu tiviki hikwatu.

Hi laha a kumiki, na kone, ntamu wa ku khongotela bana ba Šikwembu ni ba muti wa kwe. A ku na mhunu, makari ka la'ba mu tolobeliki, lweye a nga tlangelangakiki bumbilu lebyi a byi kombisiki ku mani na mani. Kunene ha ši bona lešaku afa a li na lirandu le'qi nkhensiwaka hi muapostola Paulus loko a talela Bale-Korintos (1 Kor. XIII) a ku : « lirandu qi ni ku tiyisela ; qi tele hi bunene ; lirandu a qi na mona ; a qi ti-bombisi ; a qi pfimbi hi ku tikukumuša ; a qi hlunquki ; a qi yanakanyi ša ku biha ; qi bebukisa milandu hikwayu ; qi pfumela hikwašu ; qi labisela hikwašu ; qi byatha hikwašu ! » Afa a tiba ku miyeta lweye a nga nhlomulwen ; ni ku tlhelisela lweye a dohiki, ni ku kombisa ndlela ku lweye a nga ni gome. Ba kwa bu ba ši tiba, ni baniwana, ba ku tala, ba ka Mpumo, ba mu yingelile, qiniwana siku, loko ba ya mu yendela ku babyen kwa kwe. A ba byela a ku : « Lulaman ! lulaman ndlelen ya Hosi ! fambisani nawen wa Šikwembu ;

Tikan ku holoba, ku hlundukelana, ku lwa : la-
ndan Yesu ! hi ta bonana ! hi ta kumana nthaku ! »
Kunene ba muka kaya, ba li kape ba nkhenza ma-
rito lawa ya ku ba khongotela hi lirandu. Baniwana
afa ba randa ku hlwela masiku lamanyingi ku yi-
ngela leši mubabyi lweyo afaka a ba byela šone.

— Ku baniwana bhanu, ša nabyala ku khongote-
la : ba tlharihile ku kuma marito ya ku dondisa
bhanu ; kambe loko ku li ku kombisa ku šonga ka
timbilu hi ku tiřona, hi ku hanana, ba hluleka. —
Ku lweye a hi siyiki, afa ši nge tanu. Afa a tiba
ni ku beka mabokwen ya Hosi hikwašu leši a nga
na šu, ni ku hlengela Yesu hi mukhuba lo'wu hla-
malisaka. Bafundisi ba kwe ba dimuka hi laha a
tiki, manwana masiku, hi liso le'qi faka di kombi-
sa lešaku a ni mhaka leyikulu, a ta hanana ntiro
wa Šikwembu leši a ši kumiki busiwanen bya kwe.
— Siku a šabisiki ngolubyanyana ya kwe, a hatla
a ta nkhenza hi mali lawa ma nga dinganaka na
meya wa mali hikwawu ya nšabo. Loko afa a ku-
mile ša-ntšhumu, afa a nga ranganga ku tiyanaka-
nyela lešaku : n'ta tidyulela yini ? Kambe a ku :
Loko ša ha li kone, ndi hangwesa ndi pumbela
Hosi ; hi ta ši bona nthaku, leši hi taka tišabela
šone ; na yene Yesu a hlayile : Rangane mi ku-
mbuka ku fuma ka Šikwembu ; šinwanyana hikwa-
šu mi ta yengeteliwa šone. Na kone, mpfuri, a nga
pfumalanga ntšhumu, masiku ya ku tala ; nambe
ba fanelile ku tiřona hi lembe da ndlala, a nga
hlayanga rito da ku sola nambe ku dilela mali lawa
faka a ma bekile nhlengwen. Yehova a wa randa
lweye a hlengaka hi ku thaba !

Mhaka yiniwanyana leyi hi nga yengetelaka yone, hi lešaku : hi mhunu lweye a tibiki ku ran̄a ngo-pfu bafundisi ba kwe, ni ku ba tšhaba, ni ku ba dumba, ni ku ba tiyisa minkamen hikwayu. Hikwaš̄u leši faka a byeliwa hi bone, afa a nkhen̄sa, a yamukela. Afa a ba tšabela ndlwen ya kwe hi ku hleka lokonene ka mahl̄u, a tika hikwaš̄u ku ta tšhamisanyana na bone. Kolanu ba kumile ku yene nakulobye lwenkulu, lweye ba kotiki ku mu byela timhaka hikwatu, nambe le'ti babisaka, a li kare a ba yingela, a ba miyeta, a ba khongotela hi šitšhabu hikwaš̄u. Kunene, ku nyingi a ba pfunile ngo-pfu !

Ni le *minkosin*, hi bonile ku šonga ka ku pfumela kwa kwe. Ha ši tiba lešaku a tekeliwile ba ku talanyana ba laba afaka a ba ran̄a, malembe lawa ya ku khongela kwa kwe. Siku ɗa 19th March 1893, ku rurile Salome, nakulobye lwenkulu wa manana Lois, lweye afaka a šanisiwile hi nkonta ya Evangeli ; afa ba ran̄ana ku tlula ni mašaka. Lweye a fiki hi hweti ya Mai 1893, hi yene n̄wan'a kwe wa ndisana, Neta : hikusa na yene mamana Lois afa a nhen̄geniwile hi bubabyi loko a li kari a ya n̄wisa n̄wana lwe. Siku šihlangi ši tekiwiki ha ɗone, a bitana bakulu ba kone, lešaku ba hatla ba ya mu bona a nga si nh̄lala. Yefro a ya tlhasa kunene na n̄wana a ha hanya, — a mu bona loko a hefemula moya wa bugamu. Lois a pfala mahlwana ya Neta, a ku hi rito le'ɗi tiyiki : « Hosi afa yi hi nyikile yene ; Hosi a tlhele a susa ; a bito ɗa Hosi a ɗi bongiwe ! » Ni loko mu n̄wana wa la'ba nga kone a sungula ku tlakuša rito ngopfu, a ɗila, mamana wa n̄wana a

mu miyeta. — Afa mašaka ya kwe ya Bahedin ba tile ku ta kela marumane, hikusa afa ma tele ngopfu lembe doleđo, le Nondwana, na yene nwenyi wa nsimu afa a ši ranđa ku yabela mašaka loko afa a ši kumile. Kambe afa ba mu byela : « Šikhongelo a ši ku pfunanga hikusa bana ba ku hikwalaba u ba belekiki nkama u nhingeniki timbaken leto, ba file. » Hi laha a tibiki ku yangula a ku : « A hi šone ; bamakweru ! kambe Hosi yi ndi ranđile ! kasi afa yi tiba lešaku, loko ndi felwa hi bana nda ha li buhedenini, mbilu ya nga afa yi ta babiseka ngopfu, hi ku kohla laha ba yaka kone. Kasi namunhla ndi tiba tilo leđi bana laba ba taka hlengeletwa ku done ! » — Hosi Yesu a nga hlwelanga ku ta teka ni mamana wa bu.... Kambe loko a nga sanga na mu nhingenisa ku twalen, a randile ku mu khalutisa makapi ka ndingo lowu Yob a faneliki ku hunda ha wone, ndingo wa bubabyi le'byi hlamalisaka, lebyi byi mu dlayiki hi ku hlwela, byi heta tinyama, byi helisa ntamu, byi babisa ngopfu : lweye afaka a tiba ku yima hi ku šonga ka ku nhati, lweye afaka a phatima liswen da kwe, a fanelile ku ya ku wonđeni, a nga ha ši koti ku famba a ya mbangu ; kasi a nga sanga na duhala ni šitongo ; nha a ta ha ba kone malembe ya ku tala !

Bubabyi lebyi byi sungulile byi ba šifambi le'ši tshimiki ngopfu, le'ši tibiki kambe ku miyetiwa hi miri. Loko afa ši mu țikilényana, hi laha a kumiki nkama wa ku tisusumeta a ya donđisa ka Mahazule. Kambe, nthaku ka lešo, byi nduluka byi nwananyana, ma nga marumba la'ya ku biha, lawa ma yalaka ku hola. Nambe muniři Dokodela a pfuli di nwe ši-

fuben ša kwe, a mu miyeta nkamanyana kolanu, bubabyi byi ya mahlwen, byi pšimbisa ni milenge. A nga ha koti ku yangula, masiku ni masiku. A kuma kambe ku wisanyana. Kambe byi tlhela byi mu khoma hi ntamu. Loko a dyula ku sekeleka, nambe ku ba ku tšhuka ntsena, a yingela ku babi-seka lo'ko dšilisaka. Mahlu ya kwe ma kwalala ; a fana ni šinšhuti ntsena, a ko a ta susiwa hi ku tshima ka nhlomulo. Kambe tihweti hikwatu leti a babyiki ha tone, a nga hlayanga rito da ku sola. « Hi ntiro wa Hosi : » rito leđi afa a di hlaya minkamen hikwayu ; ni loko hi ya mu kuma, hi bona lešaku nomo wa kwe wu pfaliwa hi ntamu wa ku babiseka, a ta hi byela : « Milomo a mi koti ku hleka, hikuba nyama ya babisa ; kambe moya, wone, wa hleka ! Wa hleka, hikuba ndi thamile kosuhi na Yesu ! a ndi thabisa masiku hikwawu ! » Loko banwana ba dyula ku mu byela leši ba kanetanaka ha šone, a ku : « Mi nga tšhuki mi ndi byela ša misaba ! A hi ntšhumu ! Ša hela ! A hi dyulen Hosi ntsena ! »

Kunene labanyingi, loko ba bonile šibumbeko le-ši ša ku wonđa, ša ku fana ni ntumbu, loko ba khongoteliwile hi rito leđi, leđi faka, ba ši yingelile lešaku : hi masingita ya Šikwembu, lawa ! Ba tibile ku bonga ku tlula ni loko ba mu hlalelile makari ka ntamu wa kwe, loko afa a donđisa bhanu ba ku tala ! Hikusa loko mhunu a babiseka, a babisekela Hosi, bumboni byi kone, le'byi tiyiki, le-byi tiraka ngopfu ! Yesu a dyula bumboni lebyi ku banwana bhanu laba a ba dumbiki !

Ku sungulen ka hweti ya March, la'ba daka šila-

lelo le Likatla, ba hlengeletani ndlwen ya kwe, kosuhi ni likulu da kwe, ku ta da meri wa Hosi Yesu na yene, a nga si na fa. A nga ha kotanga ku yangula ša ku tala. Kambe siku le'di rangelaka da ku rura kwa kwe, a bitana nuna wa kwe kosuhi na yene. Ba ya mu dyula, a tlhasa, a thamisa. Yene a miyela šanga hi loko a yetlelile.... Šošī kambe, a sungula ku bulabula hi moya, a mu byela : « Tatana ! a ndi etlele nhlekanin lowokulu, ndi bone ko bonakala lokokulu, ndi twa Moya wu nge : « U ta wisa, u ta wisa, u ta wisa ! » Hi wone marito ya kwe ya bugamu. A nhingenile ku wisen loko hi siku da buraru da viki, di nga da 4 April 1894.

Banakulobye ba ku tala ba yile ku lahliwen kwa kwe, ni ku tšhabelelen ka nuna. Timbilu ta bu ti yingelile ngopfu lešaku hi tekeliwile mamana munwana wa tintšalu, mukhongoteli wa ntamu, murandiwa wa hikwabu....

Kambe

Šana, bamakweru hi dilela ha yini

Laba ba ruriki, ba muki Kanana ?

Ba sukele mfuri tikwen da ku karala

Ba tiyetlelele mabokwen ya Hosi !

Makhombo hikhawu ma helile ku bone :

A ba lahlekanga, ba hi rangelile !

Na bone, misaben, ba babiseki ngopfu ;

Afa ba nabela ku thama ku Yesu.

Munyama wa lomu afa wu ba bindela,

Afa ba tlakuša mombo wa bu henhla.

Ba ni ndyombo šošī ; mahlwen kwa bu byi šile :

A ba lahlekanga, ba hi rangelile !


A hi ku nandika ka ku tlhasa tilweni !
Soši ba hlamala ku šonga ka Yesu ;
Ba bona hi liso lwey' ba mu nabeliki,
Ni timbilu ta bu ti rulile ngopfu....
Minyembeti ya bu, Hosi yi mi sulile :
A ba lahlekanga, ba hi rangelile.

Kuřongo, kuřongo na hine hi ta famba,
Hi ta da na bone buša bya butomi.
Hi ta kolwa kuñwe šihlobyen ša Kanana,
Ni ku yimbelela tinsimu ta Hosi.
Ku ta šonga ngopfu loko hi tlhanganile :
A ba lahlekanga, ba hi rangelile !

Kuřongo, na hine, hi ta bitaniwa mahlwen ka
šilubelo ša Šikwembu. A hi kumeni, timhaken ta
mamana Lois, dondo leyikulu, hi lešaku : Ha hunđa
misabeni ! Hikwašu ša hela ; le'ši taka sala hi leši
hi taka ba hi tšelile Yesu ha šone.

A hi tiyen ndlelen le'ya ku lulama lešaku hi ta
nyikiwa ku tlhama kuñwe ni barangeli beru buto-
min le'byi nga gamikiki !





KEREKE YA RIKATLA